

Talaalliiwan COVID-19 Ijoollee

Maatiiwwan/Guddistoonni wantoota beekuu qaban

Talaallii COVID-19 namoota umrii ji'a 6 fi isaa ol ta'aniif ni jira.

Daa'imman maaliif talaallii fudhachuu qabu?

Weerarri erga eegalee irraa jalqabee, Yunaayitid Isteetsi keessatti daa'imman miliyoona 13 ol ta'an COVID-19 dhan qabamaniiru. Gosni COVID-19 haaran dargaggoota irratti sababa COVID-19 tif mana yaalaa ciisun sadarkaa olaanaa irra akka gahu taasiseera.

Yaaliiwwan kilinikaa talaallii kuni dargaggoo irratti COVID-19 ittisuuf sirriitti akka hojjatu mirkaneessera. Sababa COVID-19 tin carraan baay'ee dhukkubsachuu, hospitaala ciisuu ykn du'uu isaanii baay'ee xiqqaa ta'a.

Waa'ee talaalliiwwanii irratti dargaggoota fi maatiilee wajjiin akkamitti akka haasa'an odeeffannoo argachuuf [Waa'ee qajeelfama Talaallii haasa'uu](#) jedhu kana ilaalaa.

Daa'imni kiyayaa talaallii akka argatu akkamittan godha?

Isteetni Waashingtan daa'imman umurii isaanii hamma 18 ta'aniif talaalliiwwan gorfaman hunda kaffaltii malee ni dhiyeessa. Ogeessi fayyaa daa'ima keessanii ykn kilinikni idilee talaallii COVID-19 qabaachuu isaanii gaafadhaa.

Maatiilee dhiyeessa eegumsa fayyaa dursanii hin qabne, dhiyeessaa eegumsa fayyaa, kilinika ykn qabeenyota fayyaa biroo argachuudhaf gara **Sarara Gargaarsaa Help Me Grow WA 1-800-322-2588 irratti bilbiluu** ykn gara **ParentHelp123.org** deemuu ni danda'u. Tajaajilli kuni bilisa, akkasumas gargaarsi afaanii jira.

Akkasumas **VaccineLocator.doh.wa.gov** ilaaluufii iddoowwan dhiyoo keessan jiran kan talaallii daa'immanii qaban ilaaluuf calaallii fayyadamuu dandeessu.

Kuni akkamitti manatti gargaara?

Talaallii COVID-19 daa'imman dhukkubicha irra ittisu danda'a, kunis mana keessatti walitti qabamuu qopheessuf ykn hirmaachuf caalaatti nagaa ta'uu danda'a jechuudha.

Talaallii fudhachuun nageenya daa'immanii eeguufi miseensota maatii keessa jiran irraa ittisuufni gargaara.



Maatiiwwan of eeggannoo caalmatti gaarii ta'eef tarkaanfiiwwan nagaa ta'an kan gorfaman biroo hordofuu itti fufuu qabu.

Daa'imman talaallii kam fudhachuu qabu?



Daa'imman hundi yoo xiqqaate dooziiwwan 2 akka fudhatan ni gorfamu. Dooziwwan dabalataa waqtawaa akka ta'aniitti akka ilaalaman gorfamuu danda'u.

- Ijoolleen umrii ji'a 6 – waggaa 4 walitti aanoo jalqabaa Pfizer doozii 3 yookaan walitti aanoo jalqabaa Moderna doozii 2 ni fudhatu.
- Ijoolleen **umrii waggaa 5-11** walitti aanoo jalqabaa doozii 2 ni fudhatu
- Ijoolleen **umrii waggaa 12-17** walitti aanoo jalqabaa doozii 2 ni fudhatu

Ijoolleen walitti aanoo doozii-2 fudhatanii madiinummaa giddugaleessaa fi garmalee dadhabaa tahe qaban marsaa 2^{ffaa} erga fudhatanii guyyoota 28 booda doozii walitti aanoo dabalataa tokko fudhachuu qabu akkasumas ijoolleen 5+ tahan hundi doozii si'eessituu tokko fudhachuu qabu. Dooziwwan dabalataa gareewwan birootii gara fulduraatti gorfamuu danda'a.



Gaaffilee keesaniif deebii argachuuf:



[VaccinateWA.org/kids](https://www.vaccinatewa.org/kids) ilaalaa



1-833-VAX-HELP (1-833-829-4357) irratti bilbilaa, # tuqaa

Deeggarsi tajaajila afaanii jira.

Vaccinate WA

[CovidVaccineWA.org](https://www.covidvaccinewa.org)

COVID-19 dhugumatti daa'ima kiyyaaf balaadha?

Ga'eessota wajjiin yeroo dorgoman daa'imman lakkoofsi isaanii xiqqaa ta'e COVID-19 dhan qabamanis kannen armaan gadii daa'imman irra gahuu danda'u.

- Vaayirasii COVID-19 nama qabsiisun qabamuu danda'u
- Sababa COVID-19 tin dhukkubsachuu ykn du'uu
- COVID-19 namoota birootti dabarsuu
- Sababa COVID-19 rakkoo cimaa wal-xaxaa ta'eef saaxilamuu, kanneen akka "COVID dheeraa" ykn dhukkuba nama gubu hamaa MIS-C jedhamu faa

Talaalichi uummata kana keessatti miidhaawwa cimaa baay'ee xiqqaa ta'an akka qabu agarsiifamee ture, akkasumas dhukkubicha irraa sirriitti isaan ittisa. Bu'aawwan talaalii balaa COVID-19 tin qabamuu irraa sirriitti caala.

Talaalichi mucaa kiyyaaf rakkoo hin qabuu?

Eeyyee, talaalichi daa'immaniif nagaan isaa baay'ee kan eeggamee ta'ee yaadama. Dargaggoota irratti yaaliiwwan talaalii kilinikaa keessatti godhaman keessatti miidhaawwan cimaa cimaa ta'an hoomtu hin mul'anne. Qorannoowwan itti fufaa jiru, akkasumas U.S mallattoowwan of eeggannoo kamiyyuu daftee arguuf sirnoota nageenyummaa talaalii baay'ee cimaa qabdi.

Miidhaan cimaa baramaa talaalichi daa'imman irratti qabu maal faadha?

Rakkoowwan fayyaa yoo daa'imman COVID-19 qabaman rakkoo miidhaawwan cimaa talaalii irra baay'ee caaluu.

Akkuma talaaliiwwan biroo, miidhaawwan cimaa baramoon dhukkubbii irree, dadhabbii, mataa bowwoo fi dhukkubbii maashaa fa'i. Mallattooleen dhukkubaa kanneen yeroo baay'ee salphaa kan ta'aniidha.

[Yaaliiwwan kilinikaa keessatti](#) (Ingliffa qofaan) daa'imman caalmaatti miidhaawwan cimaa kan himatan doozii jalqabaa booda caalaa doozii lamaffaa booda. Miidhaawwan cimaa walumaagalatti ciminaan salphaa irraa hamma giddugaleessaa kan turan yommuu ta'u erga talaalii fudhatanii booda guyyoota lama keessatti mul'atu akkasumas baay'een isaanii guyyoota tokko hamma lamaa keessatti ni badu.

Daa'imman beellama isaanii irratti maal fidanii dhufuu qabu?

Yeroo baay'ee, Maatiiwwanii fi guddifattoonni nama umurii 18 gadi ta'e tokkoof eeyyama talaalii fudhachuu kennuu qabu. Isaan eeyyamaaf maal akka isaan barbaachisuu beekuuf iddoo talaalii gaafachuu qabu.

Kilnikoonni waraqaa eenyummaa, kaardii inshuraansii ykn Social Security number (Lakkoofsa Nageenyummaa Hawaasaa) daa'imichaa gaafachuu malu, garuu kennuun isin hin barbaachisu.

Daa'imman talaalicha argachuudhaf dirqama lammii U.S. ta'uun isaan irra hin jiraatu. Iddoowwan talaalii haala godaansaa nama kamiyyuu gaafachuu hin danda'an. Odeeffannon dhuunfaa kaayyoowwan fayyaa hawaasaa qofaaf faayidaarra oola.

Gaaffilee dabalataa nan qaba. Ani eessan deemuu danda'a?

Gaaffilee dabalataatif deebiiwwan [VaccinateWA.org/kids](https://www.vaccinatewa.org/kids) irratti argadhaa. Akkasumas dhiyeessaa eegumsa fayyaa idilee daa'ima keessaniitti haasa'uu dandeessu.